



**Darparu sgiliau ar
gyfer eich busnes**

CANLLAW CYFLOGWYR I BRENTISIAETHAU

Prentisiaeth Lefel 3 mewn Adeiladu -
Plastro Solid



CROESO

Mae'r brentisiaeth hon wedi'i dylunio ar gyfer dysgwyr mewn cyflogaeth mewn swydd gosodiadau gwresogi ac awyru sydd ag awydd i ennill cymwysterau a gydnabyddir yn genedlaethol gan y diwydiant i ddatblygu eu gyrfaoedd.

Mae'r timau asesu yn Cambria ar gyfer Busnes yn gweithio'n agos gyda chwmmniau, rheolwyr, adrannau ac unigolion i deilwra asesiadau i weddu'r gweithrediad penodol a swydd y gweithiwr.

Gofynion Llywodraeth Cymru ar gyfer ariannu prentisiaethau.

Cyn cofrestru ar gyfer prentisiaeth, byddwn yn cynnal ymholiad lechyd a Diogelwch ar gyfer eich cwmni i gadarnhau fod polisiau statudol lechyd a Diogelwch ar waith. Byddwn yn monitro lechyd a Diogelwch eich prentis yn rheolaidd trwy gydol y rhaglen hyfforddi. Byddwn yn trefnu'r gwerthusiad gyda chyflogwyr ac mae gofyn i gyflogwyr i wneud sylwadau ar gynnydd prentisiaid. Mae'r gwerthusiadau hyn wedi'u cynllunio i gofnodi a thargedu'r cynnydd ar bob elfen o'r fframweithiau prentisiaeth.

Gosod Targedau

Yn ystod pob adolygiad prentis, bydd yr ymarferydd dysgu yn y gwaith yn cadarnhau targedau a gytunwyd arnynt gyda'r prentis a'r cyflogwr ar gyfer beth y dylid ei gwblhau erbyn eu hymweliad nesaf. Bydd hefyd yn rhoi amser i'r ymarferydd dysgu yn y gwaith adolygu a rhoi adborth ar unrhyw waith asesu a gyflwynwyd, a chynllunio rhagor o asesiadau ar gyfer y dyfodol.



Pa gymwysterau yn y gwaith fydd yn addas ar gyfer fy mhrentis?

Byddwn yn holi am natur y brentisiaeth ac, os oes angen, byddwn yn ymweld â'r safle er mwyn deall y gwaith y bydd y prentis yn ei wneud. Dylid dewis cymwysterau a llwybrau a fydd yn addas i ofynion y brentisiaeth ac yn adlewyrchu gwaith y dysgwr yn gywir, fel ei fod yn gallu dangos ei gymhwysedd.

A all fy mhrentis wneud rhagor o hyfforddiant yn ystod ei brentisiaeth?

Wrth gwrs, ond rydym yn cynghori y dylai'r hyfforddiant fod yn gymesur, fel bod y prentis yn gallu cwblhau gofynion y brentisiaeth bresennol.

Beth yw prentis da?

Unigolyn llawn cymhelliant a brwdfrydig, sy'n gweithio'n galed ac yn barod i ddysgu.

Cymorth gan y Darparwr Hyfforddiant

Bydd prentisiaid yn cael cymorth parhaus gan staff y coleg, gydag arweiniad un i un penodol a chymorth gan eu hasesydd yn y gwaith.

Pa gymorth sydd angen i mi ei roi i fy mhrentis?

Mae angen i brentisiaid gael anogaeth a chyfranogiad eu cyflogwyr drwy gydol y broses hyfforddi ac adolygu. Bydd hyn yn sicrhau fod y prentis yn cael y cyfle i weithio mewn meysydd amrywiol gyda chyd-weithwyr gwahanol i gyfoethogi eu profiad dysgu yn rhagor. Bydd y berthynas hon gyda phob parti yn cynorthwyo'r prentis mewn llwybr gyrfa strwythuredig. Mae'n bwysig bod eich prentis yn cael amser a chymorth i fodloni terfynau amser yr hyfforddiant, eu bod yn cymryd rhan mewn cyfarfodydd a phenderfyniadau sy'n effeithio ar eu gwaith a'u hyfforddiant, ac yn cael eu hannog yn gyffredinol i gymryd rhan ym mhob agwedd ar eu bywyd gwaith. Mae hefyd yn bwysig fod cyflogwyr yn rhoi cyfle i'r prentis wneud mathau priodol o dasgau yn y gwaith, fel y gall unigolyn feithrin eu sgiliau a bodloni'r gofynion cymhwysedd yn y gwaith.



FFRAMWAITH PRENTISIAETH CYMRU MEWN ADEILADU - PLASTRO SOLID

Ffordd y Bers: MY10271

Hyd: 42 mis

Mae cymwysterau adeiladu yng Nghymru wedi newid. Os hoffech chi ragor o wybodaeth am y newidiadau hyn, ewch i www.skillsforwales.wales.

Y newidiadau mwyaf amlwg i'r fframweithiau prentisiaeth yw bod prentisiaethau bellach ar gael ar fframwaith lefel 3, y strwythur asesu a chyfranogiad cyflogwyr wrth gadarnhau bod eu prentisiaid ar y lefel sgiliau angenrheidiol ar gyfer asesu.

Gofynion mynediad

- ▶ Mewn gwaith am o leiaf 16 awr yr wythnos mewn swydd sy'n benodol i'r grefft.
- ▶ TGAU A-D neu Lefel 1 Sgiliau Hanfodol Cymru (Saesneg neu Gymraeg iaith gyntaf, Mathemateg a phwnc technegol, er enghraifft gwyddoniaeth, technoleg dylunio neu dystysgrif grefft lefel 1).

Beth sydd wedi'i gynnwys mewn fframwaith prentisiaeth?

- ▶ 1 diwrnod yr wythnos yn hyfforddi a datblygu ar safle Ffordd y Bers. Bydd cyfnod bloc o bresenoldeb yn y coleg tuag at ddiwedd y brentisiaeth i baratoi ac asesu asesiadau cymhwysedd sy'n cael eu rheoleiddio gan y diwydiant.
- ▶ Cymorth parhaus yn y gweithle gan ymarferwyr dysgu yn y gwaith.
- ▶ Datblygu sgiliau hanfodol mewn cymhwyso rhif, cyfathrebu a sgiliau digidol mewn adeiladu.

Addysgu, asesu a chyfranogiad cyflogwyr

Mae hwn yn gymhwyster CRAIDD - byddwn yn canolbwyntio ar yr addysgu yn gynnar yn y rhaglen brentisiaeth a bydd yn cael ei asesu trwy arholiad ar y sgrin, prosiect ymarferol a thrafodaeth dan arweiniad gyda dysgwyr yn cyflawni llwyddo, teilyngdod neu ragoriaeth.

Gall dysgwyr sydd wedi cwblhau cymhwyster Lefel 2 perthnasol yn flaenorol gael eu heithrio rhag ymgymryd â chymhwyster CRAIDD.

Lefel 3 - Bydd y dysgwyr yn dysgu sgiliau theori ac ymarferol trwy gydol eu prentisiaeth yn y coleg ac mae'n ofynnol i'r cyflogwr barhau i ddatblygu sgiliau yn y gweithle.

Mae angen i ddysgwyr gwblhau dyddiadur safle o'r gwaith maent yn ei gwblhau yn y gweithle yn wythnosol ac mae'n rhaid ei gyflwyno i'r ymarferydd dysgu yn y gwaith yn fisol. Mae hwn yn un o ofynion gorfodol y cymhwyster y mae'n rhaid ei wneud i gyflawni llwyddiant terfynol.

Mae'n rhaid i'r cyflogwyr gwblhau canllaw cadarnhau i gyflogwyr er mwyn cadarnhau bod prentisiaethau yn dangos eu bod yn gweithio i safonau'r diwydiant presennol yn rheolaidd. Lle nodir bylchau yn yr ystod o waith efallai y bydd gofyniad i gyflogwyr naill ai drefnu gwaith i lenwi'r bwlch neu leoli prentisiaid gyda chwmni arall i ennill profiad gyda'r sgiliau/tasgau neu asesiadau gweithle gofynnol.

Bydd asesiadau'n cael

eu graddio fel llwyddo, teilyngdod neu ragoriaeth:

- ▶ 3 asesiad ar y sgrin
- ▶ Prosiect ymarferol sydd wedi'i ddylunio er mwyn asesu cymhwysedd dysgwyr ac mae'n rhaid i'r ymarferydd dysgu yn y gwaith, y dysgwr a'r cyflogwr ei gynllunio a chytuno arno.
- ▶ Trafodaeth broffesiynol allanol ar ddiwedd y cwrs.

Ystod y Gwaith

- ▶ Paratoi, ffabrigo a gosod Systemau Pibellau Gwresogi ac Awyru mewn lleoliadau gwahanol a chynnwys llawer o wahanol fathau o systemau gwahanol.

Mae rhagor o fanylion ar gael yn y canllaw cadarnhau i gyflogwyr. Lle na ellir cyflawni ystodau o waith, mae cyflogwyr yn gyfrifol am ddangos tystiolaeth o gyntundebau lleoliad gwaith.

Y Broses Gofrestru

Gellir gwneud ymholiadau cychwynnol trwy'r tîm Cambria ar gyfer Busnes ar 0300 30 30 006 neu anfonwch e-bost at employers@cambria.ac.uk

Bydd yr ymarferydd dysgu yn y gwaith yn cadarnhau'r sgan ystod gwaith i sicrhau bod dysgwyr yn addas ar gyfer y cwrs.

Yn ystod y broses gofrestru bydd angen darparu tystiolaeth o gyflogaeth, tystiolaeth o oedran, tystiolaeth cyfeiriad a thystiolaeth o hawl i weithio yn y DU.

Cadarnhad o le a neilltuwyd ar y cwrs. Bydd y cyflogwr yn mynd i un o'r sesiynau gwybodaeth naill ai'n wyneb yn wyneb neu'n rhithwir.